

# QUÆSTIO MEDICA.

Quodlibetariis disputationibus manè discutienda in Scholis Medicorum die Jovis decimâ-nonâ Februarii.

M. FRANCISCO PAJOT, Doctore Medico, Præside.

*An in febribus malignis dejectiones syncerae, malum?*

**D**ECIPITUR voris, qui salubrem & ab omni morborum cruciatu securam sperat vitam peragere, fas hoc non est, ita misera est hominis conditio, ut nunquam stet possessor integer sanitatis, statim natus, statim ægrotat, vix erupit ex uteri latebris, cum innumeri illum adoriuntur morbi; an non, & in principiis generationis latent ipsum foramen semina, nulla est ætas, nulla pars corporis, quæ proprios non patiatur morbos; alius est insuper, qui nulli parcat ætati, nulli parti, nulli sexui, nulli regioni, *καὶ πάντων νόσημα*, febris, calor est præter naturam accensus in corde, actiones omnes lædens, adeo infensus nativo ut ejus vim & potestatem perfundet, varia illa, pro caloris intentione & remissione, pro subiecto in quo accenditur, pro putrescentium succorum specie, & sede: magni est momenti & ponderis quæ à symptomatis febrem comitantibus & supervenientibus desumitur differentia, si lævia sint, *δυσήνους*, si gravia assident *κακότηνους*, quæ semper causarum efficientium malignitatem & partium affectarum præstantiam detegit à quibus non leve vitæ impendit periculum.

**F**EBRIS maligna, parentem & authorem agnoscit putredinem, quæ humores quosvis inquinat, quandoque retrâ quâ spirat anathymias, quandoque adhæsu proximos labefactat prorepitque, donec cordis arcem obsederit, ac tùm se suis prodit symptomatis, non tamen omnis putredo, valet eam excitare at insolens & non vulgaris, aliquando sæpè aperto Marte sævit in hominum genus, calor mordax deurit, sicis in exhausta cruciat & torquet, lingua calore & siccitate finditur, aliàs clam & latenter vitæ insidias struit, calor initio mitis, urinæ sanorum similes, vix æger ægrotare se sentit, & imperitis etiam imponit, at ubi pedem fixit & vires acquisivit eundo quas strages non edit, omne symptomatum genus, velut agmine facto ei assident aut supervenit, facultates omnes læduntur, animalis delirio comate, vitalis pulsus inæqualitate lypothimiasin scopè, naturalis vomitu nausæa singultu, dejectionibus synceris, quæ non minimam ejus malignitatem declarat.

**I**N febribus malignis *ἀκρίτου ἀγχορημία*, bonis ægri rebus non contingunt, tantum abest ut ab iis recreetur natura, aut quid solatii speret prudens medicus, quin immo, damnis morbum augeat, non qualibet humoris vitiosi per alvum evacuatio, faustis fit avibus & est salutaris & fida, utiles si quidem & in commodum ægri, cessuri succi, cum inquinatis magnâ virium jacturâ promiscuè extruduntur, in his tanta est feritas, naturæ tam sunt infensi, & pravâ qualitate vestiti, ut furiarum instar belluæ, quæ claustra rumpit, & cui compedes difficile est injicere impetuosius quâ datâ portâ ferantur; hac *καὶ οὐδὲν* optesâ copîa natura, malignâ qualitate irritata tandem effæta fatiscit, id fit quia indocilis humor coctionem non patitur, hanc tamen semper habet in votis & ubique intendit, sed non semper feliciter, hoc opus adimpler & absolvit, cum ejus legibus & motibus debitis sequaces, & obediens invenit, tunc illos miscet, inspissat, coquit, & coctos à se longe excernit.

**N**ATURA vere morborum medicatrix, ejus vis & potentia maxime lucet in febribus quas humorum vitium excitavit, nunquam otiosa, explorat ubique quâ ratione & quâ viâ, noxiam materiam procul à se amandet, sæpe commodâ alvi subductione id perficit & adimpler, cum humorem qui putruit & molestus fuit *ἐννεύμα* nanciscitur quem feliciter & cum *ἐννοεία* excernit in malignis par licet sit conatus, par non semper eventus, in his non semper adversus noxas ab humoribus importatas sola valet, subsidia-riâ indiget medicæ artis operâ & artificis industriâ qui laboranti & in ancipiti versanti repetitâ pluries venæ sectione & præscriptâ ad ægri salutem tantum remedium supelle-dile & ipretis ardelionum nugis & arcanorum fabulis auxiliares copias suppeditat, hæc omnia ferocis humor qui nec naturæ genio nec arte potuit demulceri, respuit & eludit, à quo *ἀμικτα ὑδατοχόλα διαχωρήματα* expecta, quæ ægrum non vindicant à morbo nec ejus salutem asserunt.

**C**AVE credas febre maligna laborantis, res ideo in vado esse, aut meliore loco stare, quod per patentem vias & expeditas, naturæ familiares, & sæpe tritas, dejectiones syncerae ferantur, non his æger minori versatur in discrimine nec in utramque autem obdormit peritus medicus aut spe falsâ beatoris fortis lactat ægrum & assidentes, *ἐνδυναμίας* semper morbus est, cum eas, nulla antecedant certa signa coctionis, nulla symptomatum fida sit levatio aut leve mollimentum, non magistrâ ac duce naturâ hæc contingunt sed vi morbi, exigua si quidem humoris *νοσότης* portio, cum majore utilioris succi copîa maximo ægrotantis incommodo vacuatur, quæ majora vasa & viscera omnia fordidâ proluvie obfusa non expedit, *ὑδατοχόλα* tantum aut *ἀμικτα* vi caloris peregrini & flammæ suo fero spoliata foras eliminantur; quibus si super addas vires quarum robore vita regitur & fulcitur, syncetis dejectionibus mirum in modum frangi & atteri vere concludes.

*Ergo in febribus malignis dejectiones syncerae, malum.*

DOMINI DOCTORES DISPUTATURI.

M. Ioannes-Baptista Doye.  
M. Vrbanius Leaulé.  
M. Michaël Pichonnat.

M. Franciscus Picoté de Bellestre.  
M. Nicolaus Bailly.  
M. Ioannes Duval.

M. Nicolaus Lienard.  
M. Philippus Douré.  
M. Nicolaus Morin.

Proponerebat Lutetiæ FRANCISCUS-FAUSTUS ALLIOT, Parisinus Baccalaureus Medicus. A. R. S. H. 1688.

